



Áveitan

8. tbl. 11. árgangur. Ágúst 2017

Sumaræfingum senn að ljúka

Seinasta leikjaæfing sumarsins í Einbúa verður þriðjudagskvöldið 8. ágúst kl 20:00. Æfingarnar í sumar hafa gengið vel þó svo að gaman hefði verið að hafa fleiri þátttakendur. Vonandi mæta margir á þessa lokaæfingu. Þjálfari er Gunnhildur Gísladóttir.

Íþróttæfingum í Þjórsárverum fer senn að ljúka og er lokaæfingin fimmtudaginn 17. ágúst kl 20:00. Tökum nú vel á því og verum dugleg að mæta á þessar æfingar sem eftir eru. Hvað er betra en góð hreyfing og samvera á íslenskum sumarkvöldum. Þjálfari er Sunna Skeggjadóttir.

Leikjakvöld fyrir unglíngana verða eitthvað áfram í ágúst, þær eru auglýstar nánar á facebooksíðu æfingahópsins. Þjálfari er Árni Geir Hilmarsson.

Flóamótið

Flóamótið mun fara fram á íþróttavellinum við Þjórsárver föstudaginn 1. september kl 14:00 eða strax að skóla loknum. Mótið er ætlað börnum á grunnskólaaldri og verður nánar auglýst síðar.

Umf. Þjóttandi

Áveitan í Flóahreppi

Útgefandi: Ungmennafélagið Þjótandi.

Ábyrgðarmenn:

Ragnar Sigurjónsson
icegordon@gmail.com
S. 820-3565

löunn Ýr Ásgeirsdóttir
idunnyr84@gmail.com
S: 865-1454

Fanney Ólafsdóttir
fanneyo@emax.is
S. 892-4155

Frá Kvenfélagi Hraungerðishrepps

Kæru kvenfélagskonur, nú vegna fréttu af mikilli berjasprettu í ár er fyrirhugað að dvelja í sumarhúsinu Breiðás sem er staðsett í Hrunannahreppi. Takið því dagana frá 29. sept. til 1. okt. frá í verkefnið.

Þær sem vilja dvelja eða bara koma í heimsókn og snæða með okkur vinsamlegast hafið samband með viku fyrirvara, eða í síðasta lagi 24. sept. til allra skemmtilegu kvennana þeirra Berglindar s: 866-5730 eða Guðbjargar s:693-6864 eða á netfangið guggabondi@gmail.com.

Með gleðikveðju skemmtinefndin

Fréttir af reiðtúr

Ungmennafélagsreiðtúrin var farinn að kvöldi 16. júlí. Lagt var af stað frá Syðra- Velli og riðið um Miklavatnsmýri í blíðskaparveðri. Í reiðtúrnum voru 32 einstaklingar á öllum aldri, sá yngsti sjö ára og sá elsti um sjötugt. Þegar komið var að Hamarshjáleigumörkum varð á vegi reiðmannanna soðið vatn á könnum, sviss miss og bollar. Upplagt að fá sér hressingu. Að því loknu var riðið aftur að Syðra- Velli þar sem flestir settu hrossin sín uppá kerrur og óku á brott með bros á vör. Yndislegt kvöld og heimamönnum er þakkað sérstaklega fyrir að lóðsa okkur um svæðið.

Stjórnin

Árgjald Umf. Þjótanda

Nú er komið að innheimtu árgjalds Umf. Þjótanda. Félagar sem verða 12 ára á árinu og eldri skulu greiða árgjald og er það **kr.1000 fyrir árið 2017**. Við viljum hvetja alla til þess að greiða árgjaldið sem fyrst. Greiðsla árgjalds er mikilvægur þáttur í því að koma félagatalinu á hreint auk þess að vera stór liður í innkomu félagsins.

Reikningsupplýsingar félagsins eru:

0325-26-590116 kt. 590116-2030.

Nöfn þeirra sem greitt er fyrir skal setja í skýringu.

Með von um góð viðbrögð,

Stjórn Umf. Þjótanda

Kæru vinir og sveitungar

Ég þakka ykkur innilega fyrir góðar gjafir og hlýjar kveðjur í tilefni 50 ára afmælis míns, þann 2.júlí síðast liðinn.

Bestu kveðjur,
Sólveig, Skúflæk 2



Eyravegi 32 · Sími 480 1160 · Neyðarnúmer 660 1160

Kvenfélag Villingaholtshrepps 100 ára

Ekki vil ég sleppa úr ágústmánuði með pistli úr sögu kvenfélagsins þótt hugurinn sé vissulega frekar einhver staðar úti og Héraðskjalasafnið í sumarfríi og ekki hægt að nálgast að sinni fleiri fundagerðir.

Ég vinn þetta þannig að ég tek myndir af fundagerðum í elstu bókunum og tek með mér heim og get þá lesið þetta í rólegheitum. En þar sem ég er ekki búin að mynda nema upp úr tveimur fundagerðabókum af 4 sem eru geymdar á safninu verð ég að taka það sem áhugaverðast er í bók nr. 2 og verð að biða eitthvað fram í ágúst þegar safnið opnar aftur til að glugga í hinar bækurnar. Bók nr. 2 spannar tímann frá 1934-1940. Mig langaði til að taka í einni heild námskeiðahald frá upphafi og fram á þennan dag og síðan skemmtiferðir sem kvenfélagkonur hafa farið í. Gallinn er sá að í elstu gögnunum er engar heimildir um hvað var gert en bara sagt frá því hvað er ákveðið á fundum. Þetta minnir okkur á mikilvægi þess að skrá vel niður það sem er gert, hvað margir taka þátt í viðburðum o.s.fr.

Í þessum pistli ætla ég að segja frá því sem er að finna um garðrækt úr þessum fundagerðarbókum.

Fljótlega eftir að SSK var stofnað fara að berast bréf frá Herdísí Jakopsdóttur formann SSK og virðist sem SSK hafi strax lagt áherslu á matjurtarækt og hvatt aðildarfélög til að taka þátt í átaki til að efla garðrækt á heimilum. 20. jan 1929 er bókað á fundi. „fundurinn hlyntur því að taka garðrækt á sína dagskrá og gera eitthvað fyrir það málefni“. Og 17. febr. sama ár er haldinn annar fundur og þar er bókað „fundurinn er því fylgjandi verði kennslustúlka send inni sveitina og tekur Sigurjóna Efri-Sýrlæk á mótí henni ásamt nemendum sem vilja læra garðrækt. og 6. apríl 1931 er bókað að garðyrkjumaður er pantaður á 5 heimili. Ekki er getið hvaða heimili það eru eða hvaða maður þetta væri.

26. febr. 1933 er lesin skýrsla frá garðyrkjustörfum í Árnes og Rangárvallasýslu. Á þeim fundi kom fram að konur sáu sér ekki fært að sinna því málefni á komandi vori.

1. júní 1935 kemur fram að félagið styrki Sigurjónu á Sýrlæk og Soffíu á Neistastöðum til að setja upp vermireiti til að sá plöntum til að selja félagskonum. Á fundi 22. sept 1935 kom Stefánía í Hraungerði og talaði fyrir tillögu til Alþingis þar sem farið er fram á styrk til að halda kálmetisnámskeið undir leiðsögn Helgu og var sú tillaga samþykkt.

3. febr. 1938 er enn rætt um garðrækt og áhuga kvenna til að fá leiðsögn í henni og styrkir kvenfélagið Vigdísí Stefánsdóttur í Flögu til að setja upp

vermireit.

24. apríl 1938 var lesið upp bréf frá Herdísí Jakopsdóttur um garðræktar konu sem fer um hreppinn og leiðbeinir í garðrækt. Einnig mætti á fundinn garðyrkjukonan sem ekki er nafngreind og talaði um gildi kálsins og mælti sérstaklega með ágæti Thorlacius.

Og á aðalfundi 1940 er enn lesið bréf frá Herdísí um garðyrkju og hvort fjölga eigi vermireitum í sveitinni. Töldu fundarkonur ekki þörf á því.

En af því að nú er sumar og sól og fólk á faralds fæti læt ég fylgja hér í lokin þær upplýsingar sem er að finna í fundagerðabókunum um skemmtiferðir kvenfélagskvenna.

Á fundi 1. júní 1928 er fundurinn hlynntur að fara í skemmtiferð inn að Múlakoti í Fljótshlíð.

1. júní 1932 talað um að fara í skemmtiferð að Laugarvatni.

Og á hvítasunnu 1938 var ákveðið að fara skemmtiferð til Þingvalla og máttu konur bjóða mökum sínum með.

Eftir þessu eru farnar 3 skemmtiferðir á þessum fyrstu 21 ári kvenfélagsins en engar staðfestingar hvort þær voru farnar, hvernig var farið eða hvað fóru margar en eitt er víst þetta þætti ekki mikið í dag.

Sumarkveðjur og góðar stundir Elín Bj. Sveinsdóttir

Frumtamningar og þjálfun

Við munum vera á Þjórsárþakka í vetur og höfum við ennþá nokkur laus pláss í september.

Höfum mikla reynslu af frumtamningum sem og áframhaldandi þjálfun.

Einnig ætlum við að leigja út nokkrar stíur fyrir áhugasama. Innifalið í hverju plássí er hey, gjafir og spænir. Hægt að semja um hirðingar.

Frekari upplýsingar veitir Elísabet (845-7615 og 486-3334)
Hlökkum til komandi samstarfs,

Elísabet og Axel Páll í Syðri-Gróf

Úrslit af íþróttamótum

Þjótandi átti 5 keppendur á **Unglingamóti HSK** sem fór fram miðvikudaginn 19. júlí. Keppendurnir náðu frábærum árangri þrátt fyrir mikla rigningu og endaði lið Þjótanda í þriðja sæti í heildarstigakeppninni. Hér má sjá árangurinn þeirra:

| | | | | |
|--------------------------------------|-----|-----------------|-------------|---------|
| Jón Gunnþór Þorsteinsson | '98 | Kúlúv.(6kg) | 10,51m | 1. sæti |
| Stefán Narfi Bjarnason | '00 | 100m hlaup | 12,03 sek | 1. sæti |
| | | Langstökk | 6,06m | 1. sæti |
| | | Kúlúv.(5kg) | 12,22m | 1. sæti |
| | | Spjótík.(700gr) | 52,02m | 1. sæti |
| Brynjar Jón Brynjarsson | '01 | 100m hlaup | 12,88 sek | 4. sæti |
| | | 800m hlaup | 2:36,00 min | 2. sæti |
| | | Langstökk | 5,10m | 4. sæti |
| | | Kúlúv.(5kg) | 9,32m | 4. sæti |
| | | Spjótík.(700gr) | 25,26m | 4. sæti |
| Hugi Snær Jónsson | '01 | 100m hlaup | 13,11 sek | 5. sæti |
| | | 800m hlaup | 2:36,41 min | 3. sæti |
| | | Langstökk | 4,24m | 5. sæti |
| | | Kúlúv.(5kg) | 6,75m | 5. sæti |
| | | Spjótík.(700gr) | 24,89m | 5. sæti |
| Sigurbjörg Eva Ernudóttir | '01 | 100m hlaup | 15,34 sek | 4. sæti |
| | | 800m hlaup | 3:07,77 min | 1. sæti |
| Sveit Þjótanda 4x100m boðhlaup pílta | | | 51,93 sek | 2. sæti |

Bikarkeppni FRÍ fór fram 29. júlí í Hafnarfirðinum og þar átti Þjótandi einn keppanda en hann keppti fyrir hönd HSK. Það var hann Stefán Narfi Bjarnason sem keppti í bikarkeppninni og stóð hann sig glæsilega. Hér er árangurinn hans:

| | | |
|-----------------|-----------|---------|
| 100m hlaup | 11,65 sek | 5. sæti |
| Spjótík.(800gr) | 43,74m | 5. sæti |

Einnig tók hann þátt í 1000m boðhlaupi karla með sveit HSK og endaði þar í 5. sæti á tímanum 2:06,02 min.

Pistillinn

Þakka þér Elsa Birna fyrir þessa áskorun.

Ég heiti Margrét Drífa, er Hafnfirðingur en er ættuð að vestan. Ólst upp í Hafnarfirði alla mína æsku og ætlaði svo sannarlega aldrei að fara úr bænum mínum fallega í hrauninu. En ég var unglingur þegar ég fór að heiman fyrst og vann m.a. eitt sumar við sveitastörf í Gaulverjabæjarhreppi. Mikið fannst mér Flóinn flatur og langt í fjöllin. Áður hafði ég verið í sveit fyrir vestan og norðan þar sem stutt var upp í hlíðarnar og klettana.

Síðar kynnist ég manningnum mínum Ágústi Guðjónssyni frá Selfossi og eigum við 5 börn á aldrinum 9 - 18 ára. Hófum okkar búskap í Reykjavík en fluttum á Selfoss árið 2000. En það var á fardögum fyrir þremur árum sem við tókum við búskap hér á Læk en það er bara rétt liðlega ár síðan við fluttum í sveitina. Hér er gott að vera og okkur líður vel. Mikil breyting að rífa sig upp og flytja í sveit, gerast kúabændur með öllu sem því fylgir. Margir hristu hausinn yfir þessari hugmynd okkar. Reyndar var ég nú líka efins í upphafi þegar maðurinn minn bar þessa hugmynd fyrst upp. Hélt hann væri að ruglast. En sá efi er löngu farinn og það er í lagi með karlinn. Þetta er hörku vinna ef vel á að vera. En þetta eru líka forréttindi að fá tækifærið að búa í sveit. Að fá að alast upp í sveit með náttúrunni og dýrunum þegar ég horfi á það í gegnum börnin mín. Þetta er í raun ákveðinn lífsstíll sem fólk velur sér. Allavega er Hafnfirðingurinn í mér sáttur. Hér verð ég og fjölskylda mín áfram og reynum að njóta þess sem sveitin hefur upp á að bjóða.

Um svipað leyti og við fluttum í hreppinn flutti líka nágrannakona mín Gunnlaug í Hróarsholt. Ég skora á hana sem næsta pistlahöfund.

Bestu kveðjur,
Margrét Drífa, Læk

TIMBURHÓLAGRILL

Föstudagskvöldið 4. ágúst nk. verður heitt í kolunum í Timburhólum og er tilvalið fyrir þá sem ekki fara á útihátíð að koma og blanda geði því þar ætlum við að hittast og hafa gaman. Vonumst við til að sjá sem flesta og eins og áður hefur verið kemur hver með fyrir sig á grillið en við sjáum um að hafa hita í kolunum um kl. 20:00.

Stjórn skógræktarfélagins Samhygðar

Huginn – Blað UMF Baldurs

Verið er að taka saman eigur UMF Baldurs og ganga frá þeim til geymslu meðal annars á Héraðsskjalasafni Árnassýslu. Í herbergi því sem félagið hafði til afnota í Þingborg er til hellingur af eintökum af öllum árgöngum af Huginn, félagsblaði UMF Baldurs. Mismikið er þó til að hverjum árangri. Ef þig vantar inn í safnið þitt eða vilt byrja að safna og skoða gamlar og góðar minningar, þá skaltu hafa samband við Baldur Gauta í síma 867-3538.

Dagskrá mánaðarins

Unglingalandsmót UMFÍ

4.-6. ágúst

Timburhólagrill

4. ágúst

Leikjaæfing í Einbúa

8. ágúst

Íþróttæfing við Þjórsárver

3. ágúst

Íþróttæfing við Þjórsárver

10. ágúst

Íþróttæfing við Þjórsárver

17. ágúst



VÉLAR · VERSLUN · VARAHLUTIR